

# Hylli i Dritës

*Ubi Spiritus Domini, ibi libertas.*

(II. ad Cor. III. 17).

BIBLIOTEKA KOMBETARE  
TIRANE

1. Kulla e mnjênueme	Fq. 269
2. Rrugë të reja në politiken treg. të Shqipnís	„ 276
3. Të sguemit e ndiesinavet politike	„ 282
4. Eneida e Vergilit	„ 286
5. Për fjalorin shqip	„ 291
6. Per historín kombtare	„ 294
7. Pellagë e Hellenë	„ 300
8. Lojë të kombtare	„ 303
9. Gjurmime...	„ 308
10. Nji mik i lartë e nji pritje bujare	„ 313
11. Lajme rrokull Shqipnís	„ 316
12. Lajme rrokull botës	„ 318
13. Bibliografi	„ 319



---

---

*Drejtimi man tagrin m' çdo artikull, qi botohet në ket të  
Perkohshme, tue ndalue njiherit edhe çdo rishtypje a perkthim.*

---

---



## Kulla e mnjênueme

Në tryezen e studimit, si të më shtëhej dis'ka, me pershtypjen e një mizori, nadje e në mramje, para sÿvet të mij, më rri kundruell një liber.

E shikjoj, e kahë mârr me mend shka perman, më rrotullohet jeta; i sjelli shpinen, e kujtimi i tij më ndjekë si hieja trupin; nuk due t' a shoh as t' a kujtoj, e sÿni më shkon në têt, mendja s' di m' u dá si; nuk due t' i besoj, e s' kam si mos t' i xâ besë, kurse dal jashtë e shoh e ndiej gjashtë herë mâ teper se thotë aj.

N' at liber jeta njimend shkelqen, por edhe shihet se âsht xânë keq e jo keq e gjâ, por me të pasë keq vetë mendja me e kujtue.

Libri nuk âsht i një teologu as i një moralisti; auktori âsht një nder të parë studjoza të sâkencës ekonomike në Germaní, e, mbrenda e jashta vendit të vet, thanja e tij âsht një auktoritet. *Werner Sombart* në librin „*Das ökonomische Zeitalter*“ (Buchholz. Berlin, 1935) tanë mundjen e smundjen e nierzvet të kohës e cillon me ket fjalë «Kulla e Babelit».

Dieja e kultura u kapen nalt e nalt fort; po maten të prekin qiellen me dorë. Veçse nuk deshten as s' paten si të rrijo pá u pshtetë mî tokë, e kshtû vûn per themel materjalizmin ekonomik e mbi têt xûn të ngrehin kullen e madhe, ndertesen vigane, jeten moderne.

Per me pasë dorë të lirë, hoqen havalen e perhershme, besimin në një tjetër jetë, e në trollin e idealit, në shejtnoren e ndergjegjes, e venduen të hyjnueme interesen.

Nieri modern u vû më të katerta «të fitojë per me gzue» edhe i a duel të shumojë mjete e perftime, por nuk i a mrrijti të gzojë si pat kujtue.

